

Terma dan Syarat

Personal Saver-i

1. Personal Saver-i ialah akaun simpanan yang membolehkan pelanggan mempunyai maksimum 3 sub-akaun yang dikenali sebagai Flexi Saver Plan-i.
2. Personal Saver-i terbuka kepada warganegara Malaysia dan pemastautin tetap yang berumur 18 tahun ke atas.
3. Personal Saver-i hanya boleh dibuka atas nama individu. Akaun bersama tidak dibenarkan.
4. Anda dibenarkan membuka Personal Saver-i tanpa deposit permulaan semasa pembukaan akaun. Setelah Personal Saver-i dibuka, deposit minimum sebanyak RM10.00 hendaklah dimasukkan oleh pelanggan melalui Mesin Deposit Tunai (CDM) atau dengan mendebit akaun melalui ATM atau transaksi dalam talian dalam tempoh dua (2) bulan dari tarikh akaun dibuka.
5. Setelah akaun dibuka, baki minimum yang perlu dikekalkan dalam Personal Saver-i ialah RM1.00.
6. Personal Saver-i hanya boleh dibuka di Maybank One Kiosk.
7. Bagi pelanggan sedia ada Maybank Islamic yang layak dan ingin membuka Personal Saver-i, anda mempunyai pilihan untuk menukar Savings Account-i sedia ada kepada Personal Saver-i.
8. Buku akaun tidak akan dikeluarkan bagi akaun ini kerana pelanggan boleh menyemak penyata akaun melalui portal selamat maybank2u.com.
9. Pelanggan akan menerima Kad Visa Debit Maybankard apabila akaun ini dibuka.
10. Bagi pelanggan Maybank Islamic sedia ada yang telah mempunyai Kad Visa Debit Maybankard, anda dibenarkan mengekalkan kad tersebut. Namun, bagi pelanggan yang masih menggunakan Maybankard Bankcard (hitam & kuning), kad tersebut akan ditukar/digantikan dengan Kad Visa Debit Maybankard.
11. Yuran tahunan sebanyak RM8.00 dikecualikan hanya untuk pelanggan yang mengambil mana-mana produk Maybank One yang lain.

Flexi Saver Plan-i

12. Anda dibenarkan mempunyai maksimum 3 Flexi Saver Plan-i pada satu-satu masa.
13. Flexi Saver Plan-i hanya boleh dipohon di Maybank One Kiosk, ATM dan maybank2u.com.
14. Anda boleh memilih mana-mana tujuan berikut bagi setiap Flexi Saver Plan-i:
 - i) 01 – Pendidikan
 - ii) 02 – Perniagaan
 - iii) 03 – Perkahwinan
 - iv) 04 – Kenderaan
 - v) 05 – Percutian
 - vi) 06 – Barangan Rumah Tangga
 - vii) 07 – Pelaburan
 - viii) 99 – Lain-lain (tujuan yang mematuhi Syariah)
15. Jumlah deposit bulanan bagi setiap Flexi Saver Plan-i adalah minimum RM50.00 dan maksimum RM300.00.
16. Semua caruman hendaklah dibuat dalam gandaan RM10.00.
17. Arahan pindahan dana bulanan automatik (Arahan Tetap) daripada Personal Saver-i ke Flexi Saver Plan-i merupakan ciri wajib bagi Personal Saver-i.
18. Bagi setiap Flexi Saver Plan-i, pelanggan perlu memilih salah satu tempoh matang berikut:
 - i) 12 bulan
 - ii) 24 bulan
 - iii) 36 bulan
 - iv) 48 bulan
 - v) 60 bulan
19. Apabila mencapai tempoh matang, Flexi Saver Plan-i akan ditutup secara automatik dan baki (iaitu jumlah principal serta *hibah* jika ada) akan dipindahkan ke Personal Saver-i.
20. Jika anda ingin meneruskan simpanan, anda perlu membuka Flexi Saver Plan-i yang baharu.

21. Anda dibenarkan maksimum dua (2) kali kelonggaran caruman terlepas dalam setahun. Sekiranya terdapat lebih daripada dua (2) kali caruman terlepas, Flexi Saver Plan-i berkenaan akan ditutup dan baki akan dipindahkan ke Personal Saver-i. Penutupan sebelum tempoh matang akan dikenakan caj penutupan awal sebanyak RM20.00.
22. Anda dibenarkan membuat pengeluaran maksimum dua (2) kali setahun kalendar dan setiap pengeluaran tidak boleh melebihi 20% daripada baki semasa Flexi Saver Plan-i pada masa permintaan dibuat.

Perkara Lain

23. Kami berhak untuk meminda Terma dan Syarat ini, sama ada secara keseluruhan atau sebahagian, sebagaimana yang difikirkan sesuai, dengan memaklumkan kepada anda melalui portal internet kami maybank2u.com sekurang-kurangnya dua puluh satu (21) hari kalendar sebelum pelaksanaan pindaan tersebut.
24. Dengan melanggan produk ini, anda bersetuju untuk terikat dengan Terma dan Syarat ini termasuk sebarang pindaan yang dibuat dari semasa ke semasa.
25. Terma dan Syarat ini adalah tambahan kepada Terma dan Syarat sedia ada yang mengawal Akaun Perbankan Islam. Sekiranya terdapat sebarang percanggahan antara Terma dan Syarat ini dengan Terma dan Syarat yang mengawal Akaun Perbankan Islam, maka Terma dan Syarat ini akan diguna pakai bagi Personal Saver-i dan Flexi Saver Plan-i.
26. Terma dan Syarat ini tertakluk kepada Undang-Undang Malaysia dan di bawah bidang kuasa eksklusif Mahkamah Malaysia.